



Pou Piblikasyon Imedya: 23/12/2022

GOUVÈNÈ KATHY HOCHUL

GOUVÈNÈ HOCHUL SIYEN LEJISLASYON KI PWOLONJE TAN ENSKRIPSYON ELEKTÈ YO

*Lejislasyon (S.2951A/A.8858A) ofri elektè yo plis tan pou yo enskri pou yo vote
avan yon elekson*

Diminye dat enskripsiyon an soti 25 jou rive 10 jou anvan jou elekson an

Gouvènè Hochul te siyen jodi a lejislasyon (S.2951A/A.8858A) ki ogmante aksè nan biltén vòt la lè I bay elektè yo plis tan pou yo enskri ak vote anvan yon elekson. Nouvo lejislasyon an pèmèt elektè yo vote nan yon elekson si konsèy elekson an resewwa fòm enskripsiyon yo jiska dizyèm jou anvan yon elekson, pa rapò ak vennsenk jou anvan ke lwa elekson an mande kounye a. Gouvènè Hochul te mande mizajou enpòtan sa a nan lwa elekson eta nou an kòm yon pati nan ajanda sou Sityasyon Eta 2022 a.

"Twò souvan, gen obstak ki pa nesesè pou elektè yo fè fas jis pou yo patisipe nan pwosesis demokratik la", **Gouvènè Hochul te deklare**. "Nan retire obstak sa yo, plis Nouyòkè ka pote reprezantasyon yo nan biltén vòt la. Nan diminye peryòd tan sa a, plis Nouyòkè ka fleksib avèk enskripsiyon elektè yo epi egzèse dwa yo pou yo vote".

Konstitisyon Eta New York la endike ke elektè yo dwe enskri pou yo vote omwen 10 jou anvan yon elekson ke yo vle vote. Sepandan, lwa elektoral aktyèl New York la pwolonje delè minimòm sa a san nesesite, ki egzije pou yo soumèt fòm enskripsiyon elektè yo an pèsòn omwen vennsenk jou anvan yon elekson oswa yo dwe gen yon so lapòs pou pi piti vennsenk jou davans epi konsèy elekson an resewwa yo jiska 20 jou anvan yon elekson. Se yon diminisyón plis pase de semèn nan kantite tan Nouyòkè ki kalifye yo genyen pou soumèt fòm enskripsiyon yo epi fè tande vwa yo nan yon elekson.

Dapre lejislasyon Gouvènè Hochul te siyen jodi a, delè ki twò restriktif sa a pral abòde epi dat limit pou enskripsiyon elektè yo pral avanse pi pre Jou Eleksyon an epi an konfòmite ak estanda Konstitisyon Eta a fikse. Elektè yo ap elijib pou yo vote nan yon elekson si yo enskri an pèsòn nan 10 jou anvan yon elekson; elektè k ap soumèt fòm enskripsiyon pa lapòs ap elijib pou vote nan yon elekson si yo mete fòm yo nan lapòs

15 jou anvan eleksyon an epi konsèy eleksyon an resevwa yo nan 10 jou anvan eleksyon an.

Senatè Eta a Brian Kavanagh te deklare, "Nan dènye ane yo, nou te pran anpil mezi enpòtan pou chanje lwa nou yo epi fè eleksyon yo pi adapte pou elektè yo. Nou konnen ke anpil Nouyòkè, ki gen lavi yo okipe ak anpil priyrite an menm tan, ka chwazi angaje yo nan pwoesis eleksyon an nan dènye semèn yo anvan yon eleksyon. Avèk dat limit enskripsyon an ki fikse nan prèske yon mwa anvan eleksyon yo, yo regilyèman eskli nouvo elektè yo pou patisipe. Lwa sa a chanje dat limit la nan minimòm konstitisyonèl 10 jou anvan nenpòt eleksyon, sa ki rann li pi fasil pou Nouyòkè yo egzèse dwa yo pou yo vote. Mwen remèsye Gouvènè Kathy Hochul paske li te siyen lejislasyon enpòtan sa a, Manm Asanble Robert Carroll pou sipò li nan Asanble a, ak tout Nouyòkè ki te mete ansanm ak efò nou pou pwoteje ak ranfòse demokrasi nou an. Mwen pral kontinye travay nan objektif pou pèmèt enskripsyon jiska jou eleksyon an".

Manm Asanble Robert C. Carroll, te deklare, "Eta New York dwe asire Nouyòkè yo pa fè fas ak obstak ki pa nesesè pou yo egzèse dwa yo pou yo vote epi lwa sa a, ki redui dat limit enskripsyon elektè yo soti 25 pou rive nan minimòm konstitisyonèl 10 jou anvan yon eleksyon, se yon bon etap. Mwen espere kontinye travay ak kòlèg mwen yo ak defansè dwa vòt yo ak refòm eleksyon yo pou fè Eta New York tounen yon vrè modèl lè sa gen pou wè ak eleksyon ki jis, transparan, ak byen administre".

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418